



Na osnovu člana 16. stav (3) tačka w) Odluke o izvršavanju Budžeta Općine Novo Sarajevo za 2025. godinu („Službene novine Kantona Sarajevo“ broj: 6/25) i člana 8. Pravilnika o uslovima i načinu dodjele sredstava iz Budžeta Općine Novo Sarajevo za oblast sporta („Službene novine Kantona Sarajevo“ broj: 9/25), Općinska načelnica raspisuje

## JAVNI POZIV za dodjelu finansijskih sredstava za oblast sporta

### I PREDMET JAVNOG POZIVA

Predmet ovog Javnog poziva je dodjela sredstava iz Budžeta Općine Novo Sarajevo za oblast sporta s ciljem pružanja podrške pravnim licima iz oblasti sporta u svim sportskim disciplinama, sa ciljem popularizacije sporta i razvijanja zdravih stilova života među mladima, aktivnog uključivanja građana u bavljenje sportom i postizanja što boljih sportskih rezultata.

### II VISINA SREDSTAVA

Sredstva za ovu namjenu obezbijedena su u Budžetu Općine Novo Sarajevo za 2025. godinu na ekonomskom kodu 614300 – Pomoć pravnim licima iz oblasti sporta u iznosu od 110.000,00 KM.

Maksimalan iznos sredstava koji jedan korisnik može dobiti iznosi **25.000,00 KM**.

Sredstva se raspoređuju na sljedeći način:

- a) Sredstva u iznosu do 25.000,00KM mogu ostvariti korisnici:
  - čija je registrovana aktivnost olimpijski sport,
  - ukoliko za konkretnu oblast sporta postoji jedinstveni strukovni savez na nivou države,
  - koji se takmiče u liga sistemu takmičenja ( ekipni sport),
  - koji se takmiče u prvom, drugom i/ili trećem stepenu takmičenja ( pojedinačni sport),
  - koji imaju organizovan rad sa mladim kategorijama uključenim u sistem takmičenja u najmanje dva starosna uzrasta,
  - koji imaju minimum 50 registrovanih sportista.
- b) Sredstva u iznosu do 15.000,00 KM mogu ostvariti korisnici:
  - koji na području države aktivno okupljaju najmanje 15 klubova,
  - koji djeluju u grani sporta u kojoj je takmičenje organizovano u najmanje dva stepena,
  - čija kategorija sporta pripada bazičnim sportovima (atletika, gimnastika, plivanje),
  - koji imaju minimum 40 registrovanih sportista.
- c) Sredstva u iznosu do 10.000,00 KM mogu ostvariti korisnici:
  - iz oblasti takmičarskog sporta u seniorskoj konkurenciji, koji su članice Sportskog saveza.
- d) Sredstva u iznosu do 5.000,00 KM mogu ostvariti korisnici:
  - klubovi koji nisu svrstani u prvu, drugu i treću kategoriju, kao npr. sportske organizacije, druga udruženja građana, rekreativci u oblasti sporta, društva pedagoga tjelesnog odgoja, udruženja trenera, sudaca i slično.

### III VRSTE TROŠKOVA KOJI SE FINANSIRAJU

Dodijeljena sredstava koristit će se za sufinansiranje aktivnosti sportskih udruženja i to:

- a) troškovi pripreme za takmičenja (trening),
- b) troškovi učešća na takmičenjima (putovanje, smještaj, kotizacija),
- c) troškovi lica koja obučavaju (pripremaju) sportiste,
- d) troškovi sudaca i službenih osoba,
- e) troškovi nabavke opreme,
- f) troškovi članarina strukovnog saveza,
- g) troškovi amortizacija i ostali materijalni troškovi,
- h) troškovi rada klubova u redovnom sistemu takmičenja.

### IV USLOVI ZA DODJELU SREDSTAVA

Pravo na dodjelu novčanih sredstava, mogu ostvariti:

- a) sportski klubovi sa područja općine Novo Sarajevo, koji se takmiče na međunarodnom, državnom ili entitetskom nivou, ukoliko ispunjavaju sljedeće uslove:
  - da su registrovani u Bosni i Hercegovini,
  - da imaju sjedište na području općine Novo Sarajevo
  - da su se takmičili minimalno tri posljednje takmičarske sezone, odnosno dvije kalendarske godine na međunarodnom ili državnom nivou,
  - da su opravdali dodijeljena budžetska sredstva u prethodnoj godini i da uredno izmiruju obaveze prema pravnim licima čije je osnivač Općina Novo Sarajevo.
- b) reprezentativne i olimpijske selekcije/takmičari Bosne i Hercegovine koje se takmiče na međunarodnom nivou, a imaju sjedište na Kantonu Sarajevo, ukoliko su opravdali dodijeljena budžetska sredstva u prethodnoj godini i uredno izmiruju obaveze prema pravnim licima čije je osnivač Općina Novo Sarajevo.

### V POTREBNA DOKUMENTACIJA

Podnosilac prijave dužan je dostaviti:

- a) prijavu na Javni poziv podnesenu na Prijavnom obrascu NS-OB-366 koji je ovjeren i potpisan od strane ovlaštene osobe,
- b) aktuelni izvod iz registra nadležnog organa u kojem je registriran podnosilac prijave, ne stariji od 6 mjeseci,
- c) uvjerenje o poreznoj registraciji podnosioca projekta (identifikacijski broj),
- d) uvjerenje o poreznoj registraciji indirektnih poreza (ukoliko je korisnik u sistemu PDV-a),
- e) uvjerenje o izmirenim poreskim obavezama, ne starije od tri mjeseca od dana objave Javnog poziva,
- f) projektni prijedlog koji sadrži aktivnosti usmjerene na popularizaciju sporta i razvijanja zdravih stilova života među mladima, aktivnog uključivanja građana u bavljenje sportom i postizanja što boljih rezultata, sa naznakom potrebnih finansijskih sredstava (sa detaljnom specifikacijom troškova),
- g) potvrdu poslovne banke da račun nije blokiran iz koje se vidi broj transakcijskog računa - ne stariji od tri mjeseca od dana objave Javnog poziva,
- h) potvrdu nadležnog saveza o takmičenjima na međunarodnom ili državnom nivou u tri posljednje takmičarske sezone, odnosno dvije kalendarske godine, odnosno potvrdu nadležnog saveza o takmičenjima na međunarodnom nivou za reprezentativne/olimpijske selekcije/takmičare Bosne i Hercegovine,

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za obrazovanje, kulturu i sport

tel: (387 33) 492 188, fax: (387 33) 492 341, email: obrazovanje@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



- i) dokaz o statusu reprezentativne/olimpijske selekcije Bosne i Hercegovine,
- j) dokaz o realiziranim projektima (štampani dokazi o vidljivosti projekta mrežne stranice, medijski natpisi, društvene platforme, tv prilozi ili potvrde prethodnih sufinansijera/donatora),
- k) izjavu kluba da je aktivnost olimpijski sport, ovjerenu kod nadležnog organa,
- l) potvrdu saveza da postoji jedinstveni strukovni savez u datom sportu na nivou države,
- m) potvrdu nadležnog saveza da se sportski kolektiv takmiči u liga sistemu takmičenja (ekipni sport),
- n) potvrdu saveza da klub takmiči u prvom, drugom i/ili trećem stepenu takmičenja (pojedinačni sport),
- o) potvrdu saveza da je organiziran rad sa mladim kategorijama uključenim u sistem takmičenja u najmanje dva starosna uzrasta,
- p) izjavu o broju registrovanih sportaša, ovjerena od strane podnosioca,
- q) potvrdu saveza da na području države aktivno radi najmanje 15 klubova,
- r) potvrdu saveza o organizovanom takmičenju u najmanje dva stepena,
- s) potvrdu Saveza da se korisnik takmiči u seniorskoj konkurenciji i da nije član
- t) sportskog saveza.

## VI ROK PRIJAVLJIVANJA

Rok za predaju prijava počinje teći narednog dana od dana objavljivanja Javnog poziva na službenoj web stranici Općine Novo Sarajevo i ostaje otvoren 30 dana od dana objave, odnosno do 18. 04. 2025. godine.

## VII NAČIN PRIJAVLJIVANJA

Prijava na Javni poziv dostavlja se na Prijavnom obrascu NS-OB-366 sa kompletnom zahtjevnom dokumentacijom u zatvorenoj koverti, putem protokola Općine Novo Sarajevo tokom radnih dana (ponedjeljak-petak) ili preporučeno putem pošte, na adresu:

*Općina Novo Sarajevo  
Zmaja od Bosne broj 55  
71000 Sarajevo  
Bosna i Hercegovina*

sa naznakom:

**„za Komisiju za odabir korisnika - JAVNI POZIV  
za dodjelu finansijskih sredstava za oblast sporta – NE OTVARATI“**

**Na koverti mora biti naznačeno: puni naziv udruženja i adresa udruženja kao podnosioca prijave.**

Prijavni obrazac NS-OB-366 dostupan je na web stranici i u šalter sali Općine Novo Sarajevo.

## VIII NAČIN ODABIRA KORISNIKA

Odabir korisnika sredstava vrši Komisija za odabir korisnika koju imenuje Općinska načelnica (u daljem tekstu Komisija). Komisija se sastoji od tri člana i jednog zamjenskog člana, koji su uposlenici Općine Novo Sarajevo. Prijave kandidata koje ne ispunjavaju sve formalne uslove iz Javnog poziva neće biti uzete u razmatranje. Sredstva se neće odobriti podnosiocu prijave koji je u istoj kalendarskoj godini dobio određena sredstva po drugoj budžetskoj poziciji, po drugom osnovu.

*Općina Novo Sarajevo, ulica Zmaja od Bosne br. 55, centrala telefon (387 33) 492 100*

*Služba za obrazovanje, kulturu i sport*

*tel: (387 33) 492 188, fax: (387 33) 492 341, email: obrazovanje@novosarajevo.ba*

*Identifikacioni broj: 4200558710008 PDV broj: 200558710008 Porezni broj: 0170333000*

*Depozitni račun 1411965320011288 Bosna Bank International d.d.*



## IX OBAVJEŠTAVANJE PRIJAVLJENIH KANDIDATA

Komisija obavještava kandidate koji nisu ispunili uslove Javnog poziva o razlozima nerazmatranje njihove prijave. Na ovu obavijest moguće je uložiti prigovor Općinskoj načelnici u roku od 5 (pet) dana od dana prijema obavijesti.

Prijedlog za finansiranje koji je utvrdila Komisija, Komisija dostavlja svim podnosiocima prijave, uz mogućnost ulaganja prigovora Općinskoj načelnici u roku od 5 (pet) dana od dana zaprimanja obavijesti. Po konačnosti prijedloga za finansiranje Općinska načelnica donosi zaključak o odobravanju isplate sredstava.

Komisija zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadate kriterije.

Sa korisnicima sredstava kojima su dodijeljena sredstva sklopit će se Ugovor o namjenskom utrošku sredstava i isti su dužni najkasnije do 15.12.2025. godine, dostaviti narativni i finansijski izvještaj o utrošku dodijeljenih sredstava, sa pratećom finansijskom dokumentacijom. **Prihvataju se samo oni troškovi koji su nastali nakon potpisivanja Ugovora.**

## X OSTALA PITANJA

Sve dodatne informacije vezane za Javni poziv mogu se dobiti svakim radnim danom, putem telefona: 033 492 187 i 033 492 189 ili e-mail adrese obrazovanje@novosarajevo.ba.

Dostavljena dokumentacija neće se vraćati podnosiocima prijave po ovom Javnom pozivu.

Broj: 16-11-3-2561/25  
Sarajevo, 18.03.2025. godine



**OPĆINSKA NAČELNICA**

**Prof. dr. Benjamina Karić**